

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



近代中國史料叢刊續編第十三輯
沈雲龍主編

清代毘陵名人小傳稿

張維驥纂

文海出版社
有限公司印行

近代中國史料叢刊續編 第十三輯

目錄

| | |
|-----------------------------|------|
| 清代毘陵名人小傳稿 | 張維驥纂 |
| 愚齋存稿 卷一至卷二十五 奏疏·電奏·電報 | 盛宣懷撰 |
| 愚齋存稿 卷二十六至卷五十 電報 | 盛宣懷撰 |
| 愚齋存稿 卷五十一至卷七十五 電報 | 盛宣懷撰 |
| 愚齋存稿 卷七十六至卷一百 電報·補遺·東游日記 | 盛宣懷撰 |
| 愚齋未刊信稿 光緒二十三年至民國四年 附：家書 | 盛宣懷撰 |
| 庚子都門紀事詩 | 延清撰 |
| 張謇傳記 | 劉垣著 |
| 記章太炎先生（附太炎文錄續編） | 沈延國著 |
| 吳稚暉先生紀念集 | 楊愷齡編 |

WT 232 02 09

清代毗陵名人小傳稿卷八

邑後學張惟驥季易纂

許 棫

棫字太眉一字夢西陽湖人沅子諸生成豐元年舉孝廉方正不赴主講道南書院工詩精小學世居夫椒腋山面湖草堂數椽旁有檀樹三大可百圍蔭半其嶠嘗曰此樹拳曲不中材偃蹇空山七百餘年偃僵猶我豈非自全其天耶因自號三檀老翁其詩氣體蒼勁風格道上如淮陰侯建大將旗麾率銳鼓行而下井陘前無堅敵又如孟襄陽獨行荒江風雪危橋斷澗中忽遇梅花一枝脩然自遠

周騰虎

騰虎字韜甫陽湖人儀暉子諸生幼負異稟讀書十行並下人皆歎為奇才厭薄科舉思有用於世為兩淮鹽說數千言總督韙之屬騰虎集商為倡戚黨雄資者從之輒利三倍至江西上書言事於相國曾國藩乃大稱許侍御

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



宗稷辰聞騰虎名疏論海內賢才以騰虎與左宗棠同上朝旨徵召入都而騰虎丁母憂不果行江浙大帥慕其名先後致賓座所言或不盡聽或事已亟無所補咸豐十年蘇州城陷騰虎方爲徐莊愨公擘畫兵事流離徒跣幾以身殉輾轉崇明上海思糾合義旅爲保全東路計當事忌之幾陷以不測乃間關越徽嶺再訪國藩於皖國藩特疏復薦於朝以堪勝封疆將帥之選入告忌者阻之復至滬瀆而疾遽不起

方駿謨

弟駿謚

駿謨字元徵一字耐餘陽湖人履錢子諸生安徽直隸州知州工文善詞性和而介澹於名利學以淹雅爲宗曾文正公國藩薦舉人才奏稱不求聞達行誼卓然請量材錄用精地理嘗繪長江圖並爲說進呈修徐州宿遷二志賅雅可法弟駿謚字幼靜靈寶知縣好學早卒

承越

越字耀珊陽湖人咸豐二年舉人工詞

趙曾向

曾向字朗甫一字心日號嗇庵陽湖人咸豐二年進士翰林院編修靜專好學長業益進通籍後潛心性理以宋儒爲宗官至金華府知府值亂後人文凋喪力整義學書院士子始知嚮學天台民聚衆抗糧界連郡之東陽巡撫檄曾向會兵禽治曾向謂民聞兵出已爲獸散所獲止數十愚民耳因嚴禁兵役擾害椒積穀會民賴以安

蔣曰豫

曰豫字侑石陽湖人十歲時詠詩效長慶體塾師驚歎曰詩中飛將也納粟得知縣分畿輔咸豐間宰雞澤值兵燹後上官以軍事督催科甚厲愀然曰民困如斯奈何重迫之乃稱貸供億旋權涑水值海事棘洋人投刺欲立天主堂又愀然曰奈何拂民心乃堅拒之同治間權元氏蔚州元俗疲爲之清訟除弊蔚俗僂爲之課士勵民有製蓋頌德者又愀然曰幾許恩澤重煩吾父老也乃力卻之其居官行事類此學以實事求是爲宗以聲音文字爲窮經之要故於故訓遺書單詞隻句搜羅哀集惟恐墜失嘗慨經學失宗世道貿變考兩漢傳經家繫人部表而出之然其論學之言則曰純內不克以宗

事純表不克以聞道又曰綜變知質庶不爲形象所蒙其博學詳說固將反而說約從事畿南戎幕十餘年露布封章倚戈立就並工篆隸去官之日囊無餘資其卒也資朋友之力歸葬其爲人可見矣

惲光業

光業字畹香陽湖人寄籍宛平河南縣主簿遷江都丞會洪澤湖溢河督檄啓昭關壩光業力爭請築隄堅守民賴以安保知縣補靈璧時髮捻擾江淮光業繕守備率民團時出擊賊賞花翎劉洪蓄亡命結捻寇魁張濬隱爲害光業誘洪卽座次斬之冉長勝者故縣役隸投營冒稱招勇嘯聚百人長勝詣縣索供張謀夜內應爲亂光業縛之悉擒其黨遂斬長勝以功擢知府留安徽補用光業有幹局慮事精敏歷襄戎行練達政體具能道其本源燭利病大吏倚重以病謝歸用勸捐勞晉道員擅花卉不失南田遺意

費伯雄

伯雄字晉卿武進人增貢生世業醫至伯雄術益精切脈能確知疾之所在有以疾自陳者輒怒曰而謂我不知脈耶其用藥以培養靈氣爲宗不用虎

狼劑嘗曰秦之名醫二曰和曰緩知此意者於醫庶幾乎咸豐三年粵賊據江寧鄰邑王耀書等各聚黨數千橫行鄉里不納稅課通江鄉民劉明松欲效之訛言繁興議以兵擊之民愚又紛紛欲拒捕伯雄銳身言於官以全家保鄉民不反乃歸以利害告倡議者亟遣散之事以定

△錢心坦

心坦名屏萬後改育萬號三山天資卓越早歲與伯兄象山有神童之譽好讀書工詞翰長攻家學融會古今學說對於疑難雜症無不左右逢源得心應手尤擅幼科及濕溫時症其處方規則羣醫咸奉爲楷模卽鄰縣亦多取法者武進醫界素分城鄉二派鄉派多在孟河之濱巢氏費馬兩家爲著城派則錢氏居首迨至心坦聲名益盛與從兄心廣胞弟心榮有錢氏三鳳之稱且錢氏世世子孫皆能恪守家法至今勿替心坦對敬宗睦族一本至誠當洪楊之亂手錄譜記以爲稽考今其姪孫鑑所輯之西倉錢氏支譜卽以譜記爲藍本者遺著有詩文醫稿及醫案若干卷

△錢心榮

心榮名雄萬別號性山精於幼科擅治痧痘嘗謂最棘手者莫如痧痘并出方書謂之二虎蹲欄痘宜補而不宜瀉瀉則頂不峻痧宜瀉而不宜補補則發氣喘先當透解而繼予清化助漿則治十不失一蓋研究深邃故能立論扼要畢生治醫術不遑及他務惟同治間邑中辦清糧董其事者為劉雲樵聘為西倉里主任釐訂至公鄉里悅服遺著醫津二卷其孫鈞（同增）鑑（同高）梓行之民十三年戚族之在京者以其事上聞奉大總統給予懿德可風題額及褒詞

吳 咨弟 傲

咨字聖俞武進人官山東鹽大使穎悟過人從李兆洛遊通六書之學精篆隸鐵筆兼擅刻竹畫花卉得南田神韻亦工山水客江陰適園陳氏為其主人刻石頗多世所傳適園印印是也弟傲號子慎亦擅鐵筆及篆書

史致準

致準字伯平陽湖人咸豐九年舉人大挑知縣籤發雲南署呈貢縣知縣補文山縣知縣所至以經術為治拔其秀民親教之嘗欲破格有為陳於大府

黜不行曰吾所設施止此矣吾老當返鄉井乃子身歸歸而閉戶著書篤學至老不倦好爲說經之文言書主莊氏方耕言春秋主劉氏申受能補其遺缺而不自立說又精於曆學爲古曆考大初曆辨授時術增解乾象月行三道術詳說都若干卷又校正皇極術以下麟德大衍宣明景福欽天諸術而爲之注各若干卷自應天儀天宋一代之曆皆排比有端緒注未竟而疾甚署其稿謂將以贈後之志斯學者

管 晏弟樂

晏字敬伯陽湖人繩萊子河南知縣署運河同知歷參左文襄公宗棠閻文介公敬銘戎幕多所建白有名於時所著詩文多亡佚弟樂字才叔諸生與兄稱二管工詩文縱談豪飲所至爲諸鉅公爭迎以幕僚終其身

湯綬名

綬名字壽民武進人貽汾子工篆隸行楷鑄印墨梅山水幼卽工琴官鹽城守備

湯懋名

懋名字佑民武進人貽汾子工花鳥蔬果官廣西巡檢

湯祿名

祿名字樂民武進人貽汾子克承家學畫善白描銀鉤鐵畫雅近李龍眠尤工設色仕女以舊宣紙爲之明姿雅度得靜女幽閑之致花石禽魚隨意點染亦皆入妙以佐貳需次兩淮非其志也

楊大鏞

大鏞字伯厚號卓齋武進人監生工詩善書於經世考古之學靡不研究遇事有肝膽客皖三十餘年當路倒屣延致咸豐七年安徽郡縣相繼淪陷大鏞避地霍山賊至張目大罵爲賊刺死有旨旌卹

陸迨光

迨光字存陔陽湖人繼輅子浙江候補通判與弟守疇少年並擅文譽守疇先卒迨光得官別駕年已五十矣

劉培芬

培芬字子江陽湖人福連知州工詞

陸初望

初望字文泉陽湖人諸生李兆洛弟子工詩詞

惲祖貽

祖貽字杏耘陽湖人光業子咸豐八年舉人由內閣中書充總理各國通商衙門事務章京天津教堂案起朝廷命尙書毛祖熙查辦派祖貽隨往洋人多要挾總督與內通商大臣議不合祖貽主內外婉拒之策從之和議遂定洊保道員分發浙江權溫處兵備道時初設海關中外人民雜處不相能祖貽和輯之補糧道卒於官

△惲思贊

思贊原名守和號竹坡陽湖人咸豐戊午經魁大挑知縣浙撫楊昌濬稱書生習吏治以惲思贊爲最署長興縣鄉愚健訟案積數百起不三月而案無留牘西北多山一夜報盜五起集董耆定客民保甲法羣盜屏跡長興於洪楊亂後十餘年中土客民墾田未及原額之半請墾荒減征一年至三年民樂其便添墾熟田十八萬畝四安營勇夥殺胡姓而盜其絲驗勘後謁營官

點閱各勇命事主指認罪犯具得營官懼干吏議賄省營派武員查辦擬攫盜犯去思贊執不允反譖思贊藐視憲札調離任赴省謁撫憲據情況侃直陳詞畢不辭逕出同列危之思贊曰使民含冤吾不忍寧去官弗恤也卒論如律回任後教養諸端巨細畢舉調補歸安告病歸稽核邑中善堂清除積弊福興洲大水集資辦賑濬孟河南段籌裕孟河外城河南北撈河經費籌辦小河義渡築壩攔江長十里許穿心開港以去淤沙請濬南運河孟德澡河之延壽等支河風日巡工不辭勞瘁精力過人在官在籍各善舉先出資爲人創任勞任怨以期必成精岐黃應手輒效年六十二卒

吳唐林

唐林字子高號晉壬別號蒼篆陽湖人韻鴻子咸豐十一年舉人浙江候補知府工文善詞如虹之氣不屑爲滴粉搓酥語而情深一往無愧古人又工分隸

楊祖學

祖學字心淵陽湖人擅詞福建知縣同治三年漳州城陷殉難

莊怡孫△弟賡良

怡孫原名賡熙字心吉又字偲濟陽湖人受祺子官刑部郎中文詞淵雅尤工草隸臨漢碑凡數十百通嘗謂自熹平以前漢隸無不以簡易爲主蓋獨有心得者平生所書於禮器碑爲尤精光緒四年重修邑志怡孫釐定體例芟削舊志自謂如新唐書事增文減

賡良字心安晚號桐園老人官湖南知縣年未三十權首劇以賢能稱後歷守大郡洊擢辰永沅靖兵備道在職尤久撫邊民多惠政遷按察使布政使服官逾五十年始終未出湘省湘人士視之如鄉人幾忘其爲官長矣任布政時撫湘者以賡良年輩出其上且得民心負夙望嫉之甚凡要政議出賡良者故沮之清宣統庚戌春長沙告饑賡良請平糶不從固請拒之益堅米價日昂羣情大憤其悍者遂糾衆譁變縱火焚撫署全城擾亂居民相率閉戶巡撫匿迹其他有位亦無敢出至衢巷者惟賡良輿從所至持梃叫囂之徒皆肅立道旁呼青天賡良喚開門則列肆應聲而啓亂遂以定總督瑞澂以未得文報不知亂時百事阻阨也以爲湘之官紳皆慢已乃疏列巡撫以

次各官及巨紳多人并劾之。於是以前廣良之賢且有功亦獲譴落職矣。廣良既歸里家無餘財，藉鬻書典衣以自給。杜門不與公事，惟邑中仰其風采，或值安危所繫，衆論易淆，得其片言輒決。平生精力過人，卒時年七十九，猶能作密行小字，至今人多寶之。

△沈耀鋆

耀鋆字秋浦，武進人。幼岐嶷，衣冠瞻視，儀采儼然。父湘農，歷官浙皖諸縣，清廉多惠政。官湯溪日，奉大母諱，扶櫬歸里。耀鋆留湯，摒擋諸事，鉅細咸理。在休寧時，以痰疾乞病，流寓越中。耀鋆又羈留代爲清理，大府咸稱歎，以爲材。及父歿，服闋赴都，謁選授湖北宜昌府通判。奉嗣母就養，多孝行，俗爲之化。咸豐壬子十二月四日，洪楊陷武昌，耀鋆衣冠堂皇坐文昌門，罵賊殉節。子保靖奔赴賊中，覓遺骸，凡三載卒得，耗陳情。沈寃十稔，朝旨賜卹，蔭世職入祀京師昭忠祠，又勅建專祠於郡城。平生大節具載清史，均不贅。

△沈保靖弟嗣綬

保靖字仲維，號品蓮，別號怡雲。少好學，穎悟過人，及長游京師，受業於李文

忠公及其贈公玉泉先生學益進經史百家無所不覽尤留心經世大略咸豐壬子太平軍陷武昌父秋浦先生罵賊被害保靖聞驚耗冒死出入亂軍中尋覓忠骸奔走數千里凡三載未獲日夕傷痛卒得陳情邀旨賜卹建祠戊午捷京兆庚申春闈以額滿見擯是年太平軍陷常州其弟嗣綬奉母避難中州保靖以音書隔絕奔馳探訪備歷艱險始達汴省遂同奉母徙荊州賴館穀所入以奉甘旨李文忠公督師海上招保靖佐戎幕事無鉅細悉以諮之旋受知於曾文正公同治壬申簡授江西廣饒九南道時英使威妥瑪訂約燕台擬於江西湖口開埠已有成議保靖以有礙潯關稅務爭諸總署力持不可卒廢原約爲國家年贏稅收五六十萬金贛撫劉忠誠公議築潯陽礮台保靖以形勢不合堅請易地營建忠誠忸於成見以爲違命欲劾之適巡閱至潯親自履勘台工扼要堅實乃大悔服且親臨謝過並以膽識俱優上章密保戊寅擢升贛臬獄屋久圯捐萬金修復之優給囚糧嚴杜胥吏舞弊又建學舍以惠寒俊掘井千餘以防火患廣設育嬰以振溺女辛巳擢升福建藩司撫部岑襄勤公一見器重視爲諍友甲申法越開釁貿易停止

民心騷動磨集數千人闕擾督署要求薪米保靖挺身出論衆曰無貿易由於無款周轉然籌款職屬藩司何預制府事吾當發款三十萬兩以資接濟汝等勉爲良民勿暴動衆聞言歡躍解散嗣奉朝命創辦江南製造局一切規畫均出其手李文忠復招赴北洋委以天津機器津滄鐵路鑄幣諸局務歲辛卯以年力就衰退歸林下以著述自娛生平敦品勵行服膺程朱之學爲文沈雄恣肆得史漢之精髓著述已刊者有怡雲堂集餘如讀孟集說韓非子錄要及隨筆駢語詩文奏草公牘均未梓光緒二十九年癸卯病歿春秋七十有六

嗣綬字森甫別號相齋少與仲兄品蓮及劉仲良潘琴軒周沐珊並從李文忠父玉泉先生讀於京師蕭寺時稱四友洪楊之亂父秋浦殉節武昌嗣綬自里奉母避難徒步數千里誠孝所格化及凶頑屢脫於厄轉徙魯豫辭官養母十六年如一日事載清史孝義傳母歿佐潘琴軒剿捻於直魯豫蘇爲四省游擊之師日夕奔馳數百里颺忽雲舉躬預百戰出入死生險厄疊著勞績受知於曾文正公潘馭士威嚴嗣綬結以恩信部曲有罪得其一言輒

解一軍愛戴如慈親恩威互濟士樂爲死故鼎字營威震諸軍所向輒捷擒平南返散卒塞途遇嗣綬羣歡曰公至矣我輩平日均受卵翼而顧聽獨行荆莽之中烏乎可爭持酒脯獻之護送百餘里及渡黃始羅拜引去文忠勅北洋機器局奏派嗣綬駐滬購械轉運凡械彈船礮無鉅細必躬親舊例扣佣悉罷斥洋商無敢以窳濫同時勅設上海製造局綜覈詳實京師傳誦甲午之役海防戒嚴每深宵濃霧中躬乘小輪運械出口以濟軍實雖嚴寒風濤冠裳皆冰迸落有聲勿顧也迨議和大臣以嗣綬勞勩議專案奏聞則曰盡職分也師敗國辱安忍言功固執不可當軸內慚事乃寢民國丙辰九月病歿壽八十歲與仲兄並附祀秋浦先生專祠

吳寶鈞

寶鈞字子和別號耕石農陽湖人諸生嗜酒工書每作篆累茵高坐懸肘而書瘦硬通神尤極其妙工詞稿不自檢存者無幾常州詞錄錄數首

趙烈文

烈文字惠甫陽湖人官直隸易州知州客曾文正公幕最久深爲契重於學

無所不窺文正特保奏稱博覽羣書留心時事中歲解組歸田僑寓虞山得水吳園舊址葺而新之水木明瑟臺榭清幽圖史金石羅列左右著作等身及卒不刊

程繩武

繩武字筱泉武進人廉吏之裔少奇貧締綌而度寒後筮仕山東官至東昌府知府其任青駝司巡檢時值捻寇張洛行之亂李文忠公鴻章檄繩武統領某副將等拒之獲勝繩武以職卑其示民之文署曰前敵領軍官同治八年秋太監安得海矯制出都時繩武任歷城知縣巡撫丁文誠公寶楨檄繩武追之繩武箠屨馳騎烈日中踵其後三日不敢動復檄總兵王正起追之及泰安圍而守之送至濟南棄於市繩武官山東數十年於治河最著聲又因南漕運京經南北運河抵津沽運河水淺膠舟則不得達乃創借黃濟運之策而河水又挾沙流行於是每年冬季集夫挑濬在河北岸臨清之十里堡南岸濟寧之陶城堡兩岸築壩糧艘集陶城堡則開壩輸水於運遂無滯運之虞年八十四卒

唐 熙

熙字筱雲武進人工士女及花卉得其尺縑人爭寶之年三十七卒

唐 曾頤

曾頤字聽泉武進人善篆隸聽鼓閩中隻字可質兼金

王 銘西

銘西字愚溪陽湖人廩貢生候選訓導幼失怙恃事大母談以孝稱天性慤直好議論古今口若懸河往往於稠人廣座中不避貴顯聞非義語直言斥之人目爲癡聞之喜因自號大癡幼爲文卽驚其長者其文奧衍奇肆學使李小湖大理童薇研侍郎尤重其經學詞賦爲之擊節嘆賞顓力於十三經註疏覆誦無遺博采國朝諸家之說尤服膺莊存與劉逢祿旁及天文輿地曆算靡不研究熟於吳中水利布政使黃彭年以厚幣延銘西於水利局纂江蘇水利全書甫脫稿卽辭歸歸不數年而卒年七十二光緒十九年也

汪 晉

晉字逸亭武進人善繪魚藻小品

△李正光

正光字澤之又字震滄清光緒壬午以增貢生領鄉薦平生刻苦自勵爲學務實踐授讀鄉里所造多知名士目覩世變日亟學者埋頭作應制文耗費心力爲積弱致病之源蓄意改革歲丁酉龍城書院改課經史輿地算術注重實學其時正光爲院董主持最力並規畫改建齋室名曰致用精舍分大齋小齋蒙養齋等招生肄業卽爲後日學堂基礎其識力能開風氣之先也戊戌以大挑知縣就銓湖南受知於總督張之洞權知辰谿新甯等縣事居官勤苦依然授讀時寒素本色以積勞卒於任所宦囊如洗可謂不負所學矣

△李正華

正華字靜之號君恕又號醉餘生武進人縣學生有聲庠序善屬文詩宗少陵每有作輒毀稿絕少留存秋試屢薦未售以歲貢授訓導改知縣需次浙省三權稅政性澹泊不干進依然儒素其感懷詩有親在名心未許磨之句志趣可知豪於飲尤善書初學率更北海壯歲肆力於漢隸暨南北朝牌版

凡所臨摹幾及千遍晚年精研鄭文公碑執筆食指仰中指鈎小指貼名指
爲拒大指搦當中指而節骨凸其法相傳爲筆陣圖三手之一也完白山人
亦遵此法吾郡王小仲參之包安吳大得其遺意而更張之正華每書則端
坐山峙懸肘提腕畫則管之端向左豎則管之端向前至於撇捺無不皆然
筆筆逆入至終而回鋒收畜蘇玉局所謂倒撐船米海岳所謂無垂不縮者
悉能盡之北魏均以峻峭道刻見長惟鄭文公體勢雄逸局度雍容正華致
力卅載可謂入其堂奧矣五十後丁父憂里居卽絕意仕進晉撫某中丞聞
其名辟佐戎幕往數月卽辭歸鬻書自給民國八年己未卒壽六十五歲

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>

